

Clypeus Theologiæ Thomisticæ

In Tres Partes Divisus, Et Quinque Volvminibvs Comprehensvs

[Tractatus de attributis, de visione beatifica, de scientia Dei ac de ejus voluntate et providentia]

Gonet, Jean-Baptiste

Coloniæ Agrippinæ, 1671

§. VI. Solvuntur aliæ objectiones

[urn:nbn:de:hbz:466:1-77132](#)

ris & coniungentibus, sed etiam in naturalibus, & necessariis, docent esse necessariam ad operandum. Secundum vero dici non potest, alioquin falsum esset quod ibidem docet S. Thomas, nempe futura contingentia non posse certe cognoscere in suis causis; ut enim antea dicebamus, illa non minus certe cognoscuntur in causis secundis, prout subsunt divino decreto, illas determinanti & applicanti ad agendum, quam in ipso motu decreto prædeterminante.

166. Ad objectionem respondeo primo, negando Antecedens: falsum enim est, quod quando D. Thomas agit de scientia Dei respectu futurorum contingentium, semper recurrat ad præsentiam sua aeternitatis, & non faciat mentionem divini decreti. Ut enim constat ex pluribus testimoniis §. 2. relatis, S. Doctor, nec semel, nec obscurè, medium illud expressit; præsertim libro I. contra Gent. cap. 68. & libro 3. cap. 56. Imò & in ipso loco in argumento citato, scilicet in 1. sent. dist. 38. utrumque medium indicavit, præsentiam scilicet rerum in aeternitate, & divinum decretem, ut supra annotavimus: dicit enim ibidem, Deus non solum vidit ordinem sui ad rem, ex cuius potestate res erat futura, sed ipsum esse rei inveniebat &c.

167. Respondeo secundo, quod quamvis D. Thomas formaliter, & in terminis, tale medium non expressisset, illud tamen, per manifestam rationem deduciturum ex illo principio, quod sapere repetit & inculcat, tanquam principium suæ doctrinæ fundamentum; nimis Deum nihil cognoscere extra se, sed omnia intueri in seipso, & in sua essentia tanquam in causa: nam divina essentia non est causa rerum, nec illas representat ut existentes, aut futuras, nisi ut modificate, & determinata, per liberum suæ voluntatis decretem. Tum ex alio quo afferit, scire divinum, respectu futurorum contingentium, subiacere libertati voluntatis: scientia enim quæ subiacet libertati voluntatis divina, subiecta est divino decreto, illique ut medio innititur, ut supra dicemus.

168. Respondeo tertio, quod quando D. Thomas, ut ostendat Deum certe cognoscere futura contingentia, recurrat ad præsentiam illorum in aeternitate, non excludit divinum decretem, sed illud supponit, & virtualiter exprimit: ideo enim futura contingentia sunt præsentia realiter in aeternitate, quia ex efficaci decreto divina voluntatis sunt futura in propria mensura, & in aliquo temporis differentia. Unde prius prioritate a quo se naturæ, cognoscuntur ut futura, ratione divini decreti, quod extrahuntur a statu mere possibilis, quam ut præsentia in aeternitate. Ratio autem cur D. Thomas sapientissime ad talen præsentia recurrat, duplex assignari potest. Prima est, quia intendit demonstrare quomodo Deus cognoscatur futura contingentia, per scientiam non solum certam & infallibilem; sed etiam intuitivam, & visionis, ad quam (ut infra ostendemus) necessariò requiritur realis præfentia & existentia sui objecti, in ea saltem mensura, quæ talis cognitio mensuratur.

Secunda ratio est, Quia S. Doctor intendit declarare, & exponere, quomodo scientia futurorum contingentium in Deo sit certa & infallibilis omnibus modis; nechabeat solum certitudinem, & infallibilitatem ex parte medi in quo fundatur, sed etiam ex parte objecti quod attingit, & contemplatur. Illud enim quando-

cognoscitur ut præsens in aeternitate, ratione talis præsentialitatis (ut infra declarabimus) est aliquo modo magis certum, quam prout cognoscitur ut futurum, & ut determinatum ad habendum aliquando existentiam in tempore, ratione divini decreti efficacis & infallibilis.

Ad confirmationem, concessa Majori, neganda est Minor: ad cuius probationem, dicendum est, D. Thomam in eo loco, neque exclude, re divinum decretem, neque illud includere, sed ab illo abstrahere, non abstractione negativa, sed pure præcisivâ (ut supra art. 1. annotavimus) id est ad illud non attendere, sed ad eam determinationem causarum secundarum. Ibi enim solum intendit docere, quod quia effectus naturales & necessarii, quales sunt ortus Solis, eclipses, & hujusmodi, sunt necessarii, & ex natura rei determinati in suis causis, possunt in illis certe cognosci, saltem quantum ad rationem specificam (præcindendo etiam a divino decreto) effectus vero liberi, quia in suis causis sunt omnino indeterminati, non possunt in illis certe cognosci, etiam quantum ad speciem, independenter a decreto, quod causa libera ad tales actus eliciendos efficaciter prædeterminatur. Quod ut fiat evidenter.

Observandum est, quod licet physica prædeterminatio sit necessaria in causis tam naturalibus, quam liberis ad operandum, non tameneodem modo: in causis enim naturalibus, requiritur solum, ut eas determinet ad rationem individualē suarum operationum; non tamen ad illarum rationem specificam, ad quam ex suauitate sunt determinatae, ut Sol ad illuminationem, ignis ad calefactionem &c. In causis vero liberi, quantum ad utramque rationem requiritur, quia causa libera, non solum sunt indifferentes, & indeterminatae ad rationem individualē, sed etiam ad rationem specificam suarum operationum: a principio autem indifferenti, ut uideretur, non exit determinatus actus, nisi ab aliquo determinetur ad illum: ut ex Commentatore 2. Phys. text. 48. sapere probat, & doceat S. Thomas. Dicimus ergo S. Doctorem, loco in confirmatione citato, solum intendere, hoc statu discrimen inter causas naturales, & contingentes seu liberas, quod in primis (abstrahendo etiam in divino decreto) possunt certe cognosci effectus naturales & necessarii, saltem quantum ad speciem: quia ad rationem specificam illorum, sunt ex se, & ex sua natura determinatae. In secundis vero, secluso divino decreto, effectus contingentes & liberi, non possunt certe cognosci, etiam quantum ad speciem, quia illæ sunt omnino indifferentes, & indeterminatae ad rationem specificam suarum operationum.

S. VI.

Solvuntur aliae objections.

Objetio secunda. In causa remota & universalis, non potest certe & infallibiliter cognosci effectus, v.g. in motu Solis, non potest certe cognosci generatio plantæ: cum enim virtus causæ remota & universalis, recipiatur in causa proxima & particulari, ab illa modificatur & determinatur, & interduū impeditur ne certe, & infallibiliter producat suum effectum; sicut virtus Solis modificatur in planta, & ex defectu virtutis generativæ illius, interduū impeditur ne flores vel fructus producat: unde cum divinum de-

DE SCIENTIA FUTURORUM CONTINGENTIUM.

249

decretem, si caula tantum remota & universa
lis rerum contingentium, & actuum nostrorum
liberorum, & ejus virtus, quamvis infinita, mo-
dificetur in causa liberarum quae recipitur, & in-
terdum ex defectu illius impediatur ne suum
effectum consequatur; non potest habere ra-
tionem mediæ, in quo Deus omnino certò, & in-
fallibiliter, futura contingencia & libera co-
gnoscet.

Hoc argumentum confirmari potest egregio
D. Thomæ testimonio, desumpto ex i. sent.
dil. 8. quest. 1. art. 3. ubi sic discurrat. Quan-
doque sunt causæ multæ ordinatae, effectus ultimus
non sequitur causam primam, in necessitate & con-
tingentia, sed causam proximam: quia virtus causa
prima recipitur in causa secunda, secundum modum
causæ secunde: effectus enim ille, non procedit à cau-
sa prima, nisi secundum quod virrus causa prima, reci-
pitur in causa secunda, ut patet in floritione arboris,
causa remota est motus Solis, proxima autem
virtus generativa plantæ: floritio autem potest impe-
diri per impeditionem virtutis generativa, & motus
Soli sit invariabilis. Similiter autem scientia Dei
in variabilibus causis rerum, sed effectus producuntur
a ipsa operatione causarum secundarum: & ideo
mediantibus causis secundis necessariis, producit effec-
tus necessarios, ut motus Solis, & hujusmodi, sed
mediantibus causis secundis contingentibus, producit
efficiens contingentes.

Ad objectionem respondeo, distinguendo
Antecedens: In determinatione causæ remotæ
& universalis, effectus non potest certò cognosciri: quando caula remota & universalis, est im-
pedibilis à proxima, & particulari, concedo.
Quando non est impedibilis, nego. Decretum
autem divinum, cum sit infinita virtus & ef-
ficacia, impediri non potest, à causis secundis
contingentibus, vel liberis, ne suum effectum
consequatur; non solum quantum ad ejus sub-
stantiam, sed etiam quantum ad modum liber-
tatis & contingentia.

Ad exemplum quod adducitur de Sole, di-
cendum est duplex esse notabile discrimen in-
ter concursum Dei, qui est prima & universalis
suna causa, & concursum Solis, & aliatum cau-
sarum secundarum universalium. In primis
eum, cum concursus Solis, & aliorum corporum
coelestium, sit virtus & efficacia finita &
limitata, impediri potest ex defectu & imperfec-
tione causæ proximæ, ne suum effectum con-
sequatur: ut patet in floritione arboris, quæ im-
pediri potest ex defectu virtutis generativa
plantæ. Virtus autem primæ & universalissi-
mae causæ, cum sit infinita ac illiminata, impe-
diri non potest à causis secundis, etiam contin-
gentibus & liberis, ne suum effectum con-
sequatur, & quantum ad substantiam, & quan-
tum ad modum necessitatis, vel libertatis quem
intendit. Ut enim dicit Sanctus Doctor i. 2.
quest. 112. art. 3. Si extinzione Dei movens est,
quod homo cuius cor moveat, gratiam consequatur, in-
fallibiliter eam consequitur: secundum illud Ioan. 6.
Omnis qui auditur à Patre, & didicis, venit ad me.
Et i. 2. quest. 4. art. 11. incorp. Virtus Spiritus
Sancti infallibiliter operatur quodcumque voluerit.
Unde impossibile est, hac duo simul esse vera, quod Spi-
ritus Sanctus velit aliquem moveare ad actum chari-
tatis, & quod ipse charitatem amittat peccando.
Quam doctrinam hausit S. Doctor ex Scriptura,
& SS. Patribus. Dicitur enim Isaia 46.
Consum meum stabit, & omnis voluntas mea

A fieri. Esther 13. Domine Rex omnipotens in ditione
tua cuncta sunt posita, & non est qui possit tuare resistere
voluntati. Isaia 14. Dominus Deus exercitum de-
crevit, & quis poterit infirmare? & manus ejus ex-
tentæ & quis avertet eam? Item D. Augustinus de
corrept. & gratia cap. 14. Deo volenti salvum fa-
cere, nullum hominū reficit arbitrium: sic enim velle
& nolle, in volentibus aut nolentibus est potestate, ut divina
nam voluntatem non impedit, nec superet potestatem.
Denique sanctus Prosper in carmine de ingra-
tis, habet hunc versum.

Haud dubie impetratur quidquid vult summa po-
testas.

Secundum discrimen quod inter concursum
Dei, & causarum secundarum universalium re-
peritur, consistit in eo quod causæ secundæ uni-
versales per se primò attingunt in suis effectibus,
rationes communes aut genericas, putat viven-
tis, aut corporis corruptibilis, quæ cum sint po-
tentiales, & determinabiles, etiam concursus il-
larum, est indifferens, potentialis, ac determina-
bilis à causis inferioribus, & particularibus.
Causa autem prima, & universalissima, cum per
se primò attingat in omnibus rebus creatis, ra-
tionem entis, & actualitatem existentiarum, quæ
non est potentialis, & determinabilis; sed actualis,
& determinativa; non potest etiam ejus
concursum esse indifferens, & determinabilis à
causis secundis, etiam liberis; sed potius eas de-
bet determinare & applicare ad agendum, con-
formato ad illarum naturam.

Ad authoritatem vero D. Thomæ in confir-
matione adductam, dicendum est, quod S. Do-
ctor in hoc articulo solum intendit docere,
quod infallibilitas divinæ præscientiæ, non pre-
judicat libertati & contingentia rerum: quia
quamvis scientia divinæ, ut applicata per de-
crevum, sit invariabilis causa rerum; tamen
quia Deus attemperat, & accommodat suum
concursum, suamque motionem naturis rerum,
quas moveat & applicat ad agendum: ita ut cau-
tas necessarias & naturales moveat ad unum per
modum naturæ; liberas vero ad unum per mo-
dum liberis, & relinquendo potentiam ad oppo-
situm, ac presuppositam in intellectu indifferenti
objectiona judicit, que est proxima radix liber-
tatis: ideo divina scientia, quamvis infallibili-
lis, & invariabilis, non tollit, sed potius efficit,
& causat libertatem, & contingentiam in rebus
creatis. Et in hoc tantum sensu, docet D. Tho-
mas, quod virtus seu motio causæ prima mo-
dificatur & determinatur à causis secundis, in
quibus recipitur: quatenus scilicet causa prima
attemperat & accommodat suum concursum,
suamque motionem, naturis illarum; quod est
illam determinari à causis secundis, materiali-
ter tantum & objective.

Objicies tertio: Si scientia Dei respectu fu-
turorum absolorum sit fundata in decreto, se-
quitur scientiam visionis in Deo, differre attri-
butaliter, à scientia purè possibilium: Conse-
quens est falsum, & contra communem Theo-
logorum sententiam: Ergo & Antecedens. Se-
quela probatur: Distinctio scientiarum sumitur
ex parte motivi seu medii: At si scientia visionis
sit fundata in decreto, habebit medium virtualiter
distinctum, à medio scientiæ possibilium: Ergo
virtualiter distingueretur ab illa. Probatur Minor:
Motivum seu medium in quo Deus possibilia
cognoscit, est omnipotens: At hec à decreto li-
bero distinguitur virtualiter, cum juxta comu-

nem Thomistarum sententiam, omnipotencia in Deo, sit intellectus ejus practicus, ut connotans voluntatem, & producens res ad extra, per actionem imperii, formaliter immanenter, & virtualiter transirent, ut constat ex dictis articulo ultimo praecedentis disputationis: Ergo si scientia visionis sit fundata in decreto, habebit medium virtualiter distinctum a medio scientiae possibilium.

176 Respondeo decretum liberum non esse motivum, seu medium, in quo Deus cognoscit futura, per modum rationis formalis, sed solum per modum applicationis omnipotentiae, in qua, ut per decretem applicata, cognoscuntur futura, ingrediente omnipotenti ut ratione formalis objectivae, & decreto ut conditione applicante. Cum enim representatio creaturarum in Deo, super continentiam illarum fundetur: decretum autem non sit ratio continendi illas, sed applicatio tantum omnipotentiae, ratione cuius Deus illas praicontinet: consequens est ut decretum, nec sit, nec esse possit ex parte objecti, ratio formalis representandi illas. Juxta quam doctrinam, facilis est responsio ad argumentum. Nam ut inter predicas scientias, efficit virtualis distinctio, deberet distinctio virtualis inventari non solum in conditione applicante, sed inter illorum motiva: quod non contingit in praesenti. Ita illustrissimus Dominus Godoy, Oxonensis Episcopus, in manuscriptis tractatus de scientia Dei.

§. VII.

Diluitur aliud argumentum ex falso libertatis.

177 Objecit ultimum: Si præscientia Dei respectu futurorum absolutorum, sit fundata in decreto efficaci & ab soluto, non poterit ejus infallibilitas conciliari cum libertate, & contingencia rerum. Vel enim causa libera possunt resistere tali decreto, & ejus motioni, vel non? Si primum, divina præscientia poterit falli: quia oppositum ejus quod Deus præcivit, poterit evenire. Si secundum, destruetur libertas: cum de ratione causa libera sit, quod possit resistere divino decreto, ejusque motioni, & facere oppositum ejus quod Deus decretit, & præcivit.

178 Respondeo primò, illud argumentum posse facilè retorquet in Adversarios: cum enim divinum decretum sit non solum prima causa determinata futuritionis in rebus, sed etiā primum principium, primaq; veluti radix totius libertatis creatæ, & participata, ut supra ostensum fuit, si præscientia Dei respectu futurorum, sit independens a decreto, eoq; anterior; neq; erit certa & infallibilis, cum ante decretum, nihil sit cognoscibile, ut certò futurum; neq; res erunt futura libere, & contingenter, sed necessariò, & ex natura rei: quia erunt futurae, ante primum principium, & primam radicem totius libertatis, & contingentiae; & ex vi, ac natura oppositionis contradictionia, quæ est causa necessaria necessitate absolutæ, ut ibidem arguebamus. Unde tantum absit, quod sententia Adversariorum, idonea sit ad concordiam infallibilitatis divinæ præscientiæ, cum libertate creatæ explicandam; quin potius utramq; prorsus tollat ac destruat, ipsamque hominis libertatem, in suo primo principio præfocet, & extinguit, & ibidem pluribus argumentis demonstravimus. Quare eorum sententia, non concordia, sed potius discordia libertatis cum divina præscientia, appellanda est.

Respondeo secundò, negando sequelam Majoris, ad cuius probationem, dicendum est, causas liberas posse resistere seu dissentire divino decreto, & ejus motioni, potentia antecedenti, & in sensu diviso: non tamen potentia consequenti, & in sensu composito: ita ut de facto conjugatur & componatur actualis resistencia, seu dissensus, cum divino decreto, ejusque motione. Sicut etiam dicere tenentur omnes defensores gratia congrua: illa enim nunquam de facto conjugitur cum actuali resistencia, seu dissensu. Quia ergo causa libera, prout subsunt divino decreto, ejusque motioni, servant potentiam ad resistendum, & ad eliciendum actualis oppositum, non lèditur illarum libertas: sed quia de facto nunquam resistunt, nec unquam conjugitur actualis dissensus cum decreto efficaci, & motione ipsius; divina præscientia quæ in illo fundatur, nunquam fallitur. Et scilla duo extrema, quæ videntur inter se opposita, facile conciliantur, & in concordiam adducuntur.

Ratio autem fundamentalis talis concordie, petitur ex efficacia voluntatis divinae, quæ attingit non solum substantiam nostrorum actuum, sed etiam modum libertatis, qui reputatur in illis: ut docet D. Thomas locis supracitatis, p. 19. art. 8. in corp. & in resp. ad 2. ubi si habet. Ex hoc quod nihil voluntati divina resistit, sequitur quod non solum fiant ea quæ Deus vult fieri, sed quod fiant contingenter vel necessariò, quia sic vult fieri Deus. Quæ verba valde notandas sunt: Illa enim ad vivum exprimit infinitam illam efficaciam divina voluntatis, dativam & cauativam libertatis, quia efficiuntē efficax, & quia ei resistit non potest. Unde id quod Adversarii putant maximè nocere libertati, scilicet quod non possit homo divino decreto, ejusque motioni, resistere (intellige potentia consequenti, & in sensu composito) et id quod maximè illam firmat, & statuit: si enim ei non potest resisti, & illa vult ut libere operemur, firmum & certum est, quod libere operabimur. Quam etiam Coetinam expresse tradit Anselmus, cuius nomine, in hac materia, maximè abundantur Adversarii. Ille enim in concordia predict. cap. 1. sic loquitur. Qoniam quod Deus vult, non potest non esse: si Deus vult voluntatem humanam, nullā cogi vel prohiberi necessitate ad volendum, tunc necesse est voluntatem esse liberam, & esse quod vult.

Dices, Idem Anselmus libro 1. cur Deus homo cap. 18. docet quod omnis suppositio antecedens, quæ descendit ex libertate & electione nostræ voluntatis, tollit libertatem: Sed divinum decretum, & ejus motione, est aliqua suppositio antecedens, quæ non descendit ex libertate, & electione nostræ voluntatis: Ergo tollit ejus libertatem.

Respondeo primò, negando absolute Majoris: Indifferencia enim objectiva iudicij, est aliqua suppositio, quæ antecedit electionem nostræ voluntatis, & tamen non tollit, sed ponit causam libertatem. Item in sententia Adversariorum, scientia simplicis intelligentia, ut habet adjunctum decretum, est causa futuritionis rerum, ac proinde aliqua suppositio illam antecedens (cum omnis causa debat esse prior, taliter natura, suo effectu, & tamen non tollit libertatem, & contingentiæ rerum, ut illi profitentur. Nec Anselmus unquam dixit, quod suppositio antecedens tollat libertatem, sed suppositione-